

大日本史

八十四

北條高時 第二百二卷 將軍家臣列傳
 北條時房 北條朝時 北條重時 將軍家臣列傳
 北條政村 名越高家 淡河時治 將軍家臣列傳
 大佛貞直 大佛高直 將軍家臣列傳
 北條泰家 北條仲時 北條時益 將軍家臣列傳

史傳載紀

一	一	一	一	和書門類
五〇	一三	七五	二八七二	
冊	架	函	號	

三六九函	一五〇冊	一三八七二號	和
架	冊	號	
內閣文庫			
番號	和	12872	
冊數	150(84)		
函號	269	26	



大日本史卷之二百二

淺草文庫

列傳第一百二十九

權中納言從三位源光圀 修

男權中納言從三位綱條 校

玄孫權中納言從三位治保重 校

將軍家臣十二

北條高時


金澤貞將 二階堂貞藤

長崎高重

安東聖秀 鹽飽聖遠

北條高時幼名

成壽丸相模守貞時之子也



大日本史

卷之二百二

列傳

一

敘從四位下平氏系圖為左馬權頭正和五年代

北條基時為執權時年十四文保元年除相

模守系圖將軍執權次第保曆間記高時為人舉止無度特

以宗嫡襲世職增鏡保曆間記始委政妻父秋田時

顯內管領長崎圓喜喜或基二人合心協謀一

遵泰時約束頗稱無事及圓喜以老廢罷使

其子高資代之高資乘藉主暗專行胸臆作

威福無有所憚海內怨憤衆情日離保曆間記而

高時昏亂滋甚日夜以酣飲為事嘗見犬鬪

庭上大愛悅之索諸將吏家及課百姓出以

充租賦遠近獻致積至數千頭饜以梁肉被

以珠繡載以籃輿役民舁之道路遇者下馬

俯伏每月十二度分明縱鬪召會諸將觀以

為樂其羣吠狺狺震地如爭尸者聞者皆惡

之京師有田樂戲盛行高時多召優人付諸

將各養一人每宴飾進作戲自高時已下競

解衣裳以為纏頭竟席積成丘堆其費不貲

時人皆謂其不終焉太平記元亨元年後宇多

法皇遣使言致政於帝高時奉旨從之增鏡正

中元年秋帝謀討北條氏事頗漏高時大驚

遣使執致中納言藤原資朝藏人頭藤原俊

基于鎌倉增鏡保曆間高時將謀廢立帝欲

紓其患遣中納言藤原宣房下賜誓書喻以

宸衷無他高時乃改前議謝曰朝廷之事固

非臣等所敢議也上還其書帝○按太平記云

時使齋藤利行讀之二階堂貞藤諫曰天子

賜誓書於武臣自古未見其例固辭無受而

可高時不從利行讀未畢昏眩發血瘡發喉

而死高時大怖止前議然據常樂記利行以

正說中三年死則其明年釋俊基還京師增鏡

記遷資朝於佐渡公卿補任嘉曆元年春罹疾危

篤長崎高資勸罷執權毛利家天正薙髮號

崇鑑系圖保曆間高資以素與金澤貞顯

相好援以代之高時弟泰家恚不得繼職薙

髮自廢高時疾瘳怒將殺貞顯貞顯懼亦薙

髮不出視事時羣下爭髡剃以慕效之保曆

圓頂者盈府庭焉時以為不祥兆毛利家天

記高資又以己意推赤橋守時為執權保曆

大日本史 卷二百二 列傳 一一

北條維貞為連署

將軍執權次第

衆益不服

保曆間記

是

春皇太子薨朝廷遣大納言藤原定房來言

繼代斷矣宜依後嵯峨帝遺命高時不奉旨

遂請立本院皇子量仁親王為皇太子

參取神皇

正統記增鏡、梅松論

二年春陸奧人藤原季長

年及季長名據

結城文書

與其族五郎爭事相訴高資兩納其賂

久不判決二人遂相攻擊高時遣兵討之無

功是後高時稍不平高資所為元德二年秋

密命長崎高賴圖之事洩乃委罪高賴流之

于陸奧

保曆間記

先是帝召僧圓觀文觀於禁內

咒咀高時高時聞之執致圓觀文觀忠圓案

問得實至是遠遷圓觀等

太平記

元弘元年高

時再執致藤原俊基於是帝專與護良親王

等議討關東益急

增鏡太平記元弘元年據增鏡

會後伏見

法皇亦遣使具告朝廷之謀高時乃會諸將

諮計衆相視未敢言長崎高資進曰前者明

公不果廢立所以貽此患也為今之計莫如

速遷車駕遠流大塔宮預謀搢紳執處斬罪

事乃定矣。二階堂貞藤諫曰：國權東移，殆百六十年矣。威服四海，榮傳累世，其故無他，以輸忠貞於王室，而布德惠於庶民也。今者拘廷臣，流僧徒，此為已甚。又復放天子，竄座主，人其謂之何？神祇在上，可無自畏。且使我兵威實強，雖朝廷有異處分，誰敢與之？古曰：君雖不君，臣不可以不臣。宜益效臣節，靡懈。則天威亦安得不霽哉？高資作色曰：文武之用，緩急異勢。孔孟之道，非今日宜言。不速決，有

勅討我，悔何及矣。承久之事，明公所當則也。

高時卒，從其言。秋遣二階堂貞藤及城越後

守二人名率兵三千至京師。至則帝潛出闕

幸奈良，宣言車駕如延曆寺。高時又發大佛

貞直、金澤貞冬、足利尊氏以下六十三將，以

武藏相模伊豆駿河上野五國兵二十餘萬

赴之。本書云：高時聞正成等起兵，乃遣貞直

本作十是時帝在笠置。北條仲時、北條時益

遣兵圍行在，而楠正成據赤坂，櫻山茲俊起

小傳

備後

太平記

貞直等攻陷笠置及赤坂

元弘日記裏書

光明寺藏書殘編

茲俊亦自殺高時乃命幽帝于六

波羅遣二階堂貞藤秋田高景奉皇太子即

位是為光嚴院

參取增鏡太平記

二年春高時獻帝

以僧服請薙髮不聽

太平記

遂遣長井高冬請

新主宣旨遷帝於隱岐

增鏡太平記長井高冬據增鏡千葉

貞胤小山秀朝佐佐木高氏以兵五百護送

士更番防衛太平記守護佐佐木清高率本國及出雲兵

遷尊良親王於土佐尊

澄親王於讚岐夏殺參議平成輔于相模足

助重範於京師中納言藤原資朝于佐渡中

納言源具行于近江藏人頭藤原俊基于鎌

倉遷大納言藤原師賢及僧聖尋于下總前

權大納言藤原公敏參議藤原季房于下野

中納言藤原藤房于常陸僧俊雅于長門時

楠正成復赤坂城出屯四天王寺北條仲時

北條時益尋遣兵攻之不利高時遣宇都宮

公綱助之護良親王城吉野參取增鏡平成

大御所卷二百二川傳六

城千劔破

增鏡梅松論

赤松則村起播磨高時又

使義子阿曾時治及大佛高直二階堂貞藤

等率大兵分而攻之太平記又移書諸國將士

竝會其軍太平正本記三年春遷皇子恒性於越

中遣人殺之諸門譜時治陷赤坂城太平貞藤

陷吉野太平記吉水院與高直併兵圍千劔

破彌月高時遣使促戰高直等盡力急攻不

能下既而帝出隱岐御船上山西國將士爭

歸左近衛中將源忠顯赤松則村連兵討六

波羅於是高時使名越高家足利尊氏將兵

西上半衛京師半攻行在夏高家與則村戰

山崎見殺尊氏降官軍尊氏之行也將攜家

以從軍長崎圓喜勸高時使其為誓書留質

妻及子千壽王于鎌倉至此尊氏果歸順千

壽王潛逃亡高時乃馳人往察尊氏動止道

逢六波羅使聞其歸順而還由是鎌倉人心

恟恟高時謀發武藏上野安房上總常陸下

野六國兵屬泰家西上乃徵軍糧于郡縣以

日本書紀 卷二百二 列傳 六

新田義貞領邑素富課以錢六萬貫遣吏督
 急義貞先已通意官軍斬吏梟之高時大怒
 議罷西師專攻義貞兵未發義貞起兵先至
 武藏野高時更遣金澤貞將將上總下總兵
 出下河邊以扼敵後櫻田貞國長崎高重等
 以武藏上野兵拒入間河貞國與義貞戰殺
 傷互多退陳久米河次日又戰敗退分陪高
 時乃遣泰家往援泰家戰破義貞明日戰更
 大敗太平記時小山秀朝千葉貞胤並應義貞

逆擊貞將于鶴見敗之梅松論朝據太平記小山秀諸軍

遂引還鎌倉太平記會六波羅潰卒至始知

仲時時益敗死京師為官軍所復上下失措

知不可支矣間一日義貞放火三道來逼居

民齋財四方逃竄高時遣金澤越後將監某

北條基時于假妝坂大佛貞直于極樂寺坂

赤橋守時于巨福呂坂以拒之守時軍先敗

沒義貞軍進入山内而貞直疾戰斬敵將大

館宗氏餘衆退走即夜義貞自將精兵赴極

樂寺、貞直營據阪道、樹鹿角至海岸、多泛巨艦、以便傍射、敵不得過、至曉、海水俄退、二十餘町、艦皆漂去、義貞因直馳入鎌倉、守兵皆潰、而眾軍踵進、所在焚蕩、會風暴發、火皆內向、煙燄漲空、俄頃延及高時居第、高時自以千餘人擁衛妻子、逃入東勝寺、東勝寺乃其先塋所在、時已諸軍崩潰、死傷降亡略盡、高時終自殺、時年三十一、北條系圖、北條家譜、並作四十二、今據系圖、嘉元元年生、及保曆間、應長元年九歲之文、從死者八百七十

餘人、於鎌倉自殺者六千餘人、六一長子邦

時、幼名萬壽麻呂、稱相模太郎、被捕誅、年十

五、幼名及年、據家譜、是月誅筑紫探題北條英時於

筑前、淡河時治於越前、越中守護名越時有

於本州、長門探題北條時直出降、時直尋病

死、先是大佛高直二階堂、貞藤長崎高貞等

解千、劔破圍、退于奈良、七月謀犯京師、官兵

來攻、高直等困蹙、披剃乞降、悉縛送京師、禡

僧服、斬之阿彌陀峯、特免貞藤、尋亦謀反、被

誅明年高時族人僧憲法據飯盛城赤橋重

時據立烏帽子城太平家臣本開某澁谷某

起鎌倉將軍執規矩高政○規矩異本太平

本別載規矩時秋絲田貞義○貞義天正本太平記

西源院本起筑紫尋皆敗死北條氏自義時

泰時上戴天子中擁將軍圖以併移其柄智

力挾制世濟其姦殆將百年宿將名族畏風

奉命漸執臣僕之禮不敢支吾宗黨親戚延

蔓盤互為守護地頭者蓋八百餘人及勤王

師起高時授首前後夷滅幾無噍類乃祖之

計甫就而旋墜神皇正統記次子時行自有傳

金澤貞將北條氏之族父貞顯為修理大夫

始稱金澤北條系圖貞將為六波羅南方任

越後守轉武藏守將軍執規矩後逆擊新田義貞

于武藏不利又戰山内身被七創還見高時

于東勝寺高時賞其力戰授以相模守長門

筑前兩探題署狀與之兩探題重職也相模

守北條氏世襲官號也貞將感喜乃書狀背

日棄我百年命、報公一日恩、懷之馳赴敵陳

而死、記太平子忠時、左近衛將監、家譜為越後守、

義貞入鎌倉、率兵三萬距假妝坂、太平軍敗

與父戰歿、家譜

二階堂貞藤、藤原行政之後也、二階堂以才

學見稱、太平為檢非違使、兼出羽守、薙髮改

名道蘊、系圖、太平及北條高時圖行廢立、貞藤

諫之切至、高時不能用、命攻護良親王於吉

野城、力戰七日未下、部將有吉野執行巖菊

丸者、素諳地形、請夜繞軍後夾擊之、貞藤從

之、城陷、村上義光佯為護良死之、貞藤得其

首、送之京師、既而知其非是、進襲高野山、索

捕護良、不得、乃移兵會大佛、高直攻千劔、破


城、不能拔、後與高直等出降、帝素知其名、特

原不殺、命食其舊邑、無幾謀叛、伏誅、太平

安東聖秀、秀一作賢新田義貞妻之伯父、與義貞

兵戰于稻瀨河、敗還、高時已逃東勝寺、府舍

焚蕩、將士悉散、聖秀慷慨曰、堂堂百年跡、何



無一人留死節之屍哉。從殘兵百餘騎，就焦
 址將自殺。義貞妻適贈書勸降，聖秀怒謂使
 者曰：臨危逃死，恥莫大焉。姪女生士家，為士
 家婦，不知廉恥，何以教子孫哉。然彼女子固
 不足怪，義貞若知義者，當叱而止焉。何教我
 反邪？何爾夫婦之相似也。以書併握刀，擲以
 自殺。太平記

鹽飽聖遠，官兵入鎌倉，聖遠謂養子忠賴曰：
養子據汝猶未從仕，宜逃為僧，薦我冥福。忠
異本

賴曰：闔家生活，誰非君恩。寧論已仕與未仕，
 邪？即剗腹死。聖遠乃設椅，趺坐，作偈曰：五蘊
 非有，四大本空。一作提持吹大火聚裡，一道
 清風，引頸令次子忠年斬之。忠年亦自殺。太平

記忠年名據
金勝院本

長崎高重稱次郎，高資之子，勇武絕倫。與諸
 將共拒新田義貞于武藏，晝夜力戰，被傷及
 敗，持所斬首級馳歸，示高時。祖父圓喜見之，
 喜曰：我常患汝不肖，數加訓誨，今乃知誤，益



努力以報主恩、既而義貞大軍入鎌倉、數道
 競攻、諸將相繼戰歿、軍士星散、無復陳伍、高
 重乃挺身馳突、四應所抵、皆披更騎、易刀、手
 殺凡三十餘人、還見北條高時曰、戰非不力、
 如諸將皆敗、何主公無為、以身辱冠手、今臣
 更欲快意一戰、以資冥間攜手之話、忍死見
 待、乃乘愛馬名兔雞、往謁僧士雲、立揖于庭
 曰、如何是勇士、恁麼事、士雲答吹毛急用不
 如前、高重大悅、太平記出門謂殘兵曰、子等勞

矣、請從此辭、衆不肯、相呼死而前、

天正本
太平記高

重因命釋幟鞘刃、混入敵中、意得義貞刺之、
 敵有識之者、麾兵環圍、高重知事不就、縱橫
 奮擊、已而從士皆死、殘兵纔八人、與俱止、高
 重引還、敵追急、高重返戰十餘、至東勝寺、至
 則高時方行酒、與左右訣、高重徑入、引飲者
 三、屬盃攝津道準、準一作集割腹先斃、道準笑曰、
 有此下物、誰得以量小、而辭滿酌盡其半、以
 傳諏訪直性、直一作真割腹死、直性徐三醢訖、勸

高時曰年少輩奏伎相侑臣雖疲乎安得不
 少酬請以此肴推次見致割腹抽刃以置高
 時前而死太平記長崎圓喜乃言我年老當為
 主公啓行自刺不殊諸本太平記其孫新右衛門
 某從傍刺之已亦割腹倚圓喜尸而死新右
 衛門乃高重之弟時年十五太平記
 工藤某稱新左衛門每歎高時怠政時事日
 非累諫不聽乃去隱高野山為僧誓不復出
 及鎌倉滅往弔其處府第丘墟彌望茂艸而

已乃慨然作懷舊和歌後周遊諸國天正本太平記
 不知所終

五大院宗繁為右衛門尉高時納宗繁妹為
 妾生子邦時及敗以託宗繁宗繁諾之即日
 出降新田義貞已而義貞厚購北條氏餘黨
 宗繁計我親斬送此兒恐不為衆所齒不如
 藉入下手自取告訴之賞也乃給邦時曰聞
 有人告郎君處者明日逮者將至請促避之
 伊豆臣且留此告以不知不可則自殺以滅

跡邦時信之從一奴乘夜而逃宗繁馳告義
 貞執事船田義昌與軍士共追捕之相模川
 義貞深惡宗繁所為欲誅以懲不臣宗繁聞
 之亡匿無所容舍後卒餓死路上太平記參
 取天正本
 出科得田義貞出而奔自軍無其符及書
 宗至千時詔又與以宗繁宗繁故之明
 正大刻宗繁為古辭門錄高知縣宗繁
 不味而錄

大日本史卷之二百二終

大日本史卷之二百三

列傳一百三十一

權中納言從三位源光圀 修

男權中納言從三位綱條 校

玄孫權中納言從三位治保重 校

將軍家臣十三

北條時房 子時直

北條朝時

北條重時 玄孫赤橋守時

北條政村

名越高家

淡河時治

大佛貞直

大佛高直

北條時房初名時連稱五郎義時弟也元久

中歷遠江駿河守為武藏守敘從五位下北條

系和田義盛之亂時房力戰以功食上總圖富莊遷相模守東鑑承久三年義時命泰時時

房稱兵向京師比抵遠江有官兵十餘人過

時房軍前時房悉斬之梟路左山田重忠等

與延曆寺僧兵撤勢多橋拒守時房前鬪不

利會泰時破官軍于宇治時房與泰時乘勢

長驅入京師東鑑承鎮六波羅南方將軍執

系兼伊勢守護及義時卒還鎌倉與泰時同

執權連署尋兼修理權大夫辭相模守累進

正四位下參取東鑑將承久之役戰士有不

得賞者時房數以為言而不見聽乃請納私

大日本史 卷二百三 北條時房

邑四所、頌與有功、

東鑑

嘗在家置酒、會泰時

暴病、家人皆曰、盍往視之、時房不聽曰、吾今

日為娛樂者、以武州之存也、武州一旦不諱、

我將辭職遠適、豈得復快飲乎、歡謔自若、

東鑑

補遺仁治初卒、

關東評定傳

因居第號大佛子

時盛、時村、資時、朝直、時直、時盛、事在子淡河

時治、傳、朝直、以大佛為氏、建長元年、評定所

始置引付頭人、以朝直為之、歷相模、武藏等

守、遷遠江守、敘正五位下、文永元年卒、

關東評定

傳

子朝房、宣時、朝房稱武藏太郎、

系圖

嘗為父

所逐而屏居、聞三浦泰村作亂、不及擐甲、單

騎赴之、泰村兵爭欲斫之、戰甚苦、兵士來救

得免、

東鑑

後為備中守、

系圖

宣時初名時忠、歷武

藏、陸奧守、敘從四位下、弘安中、執權連、署、宣

時、子宗宣、孫維貞、嘉元嘉曆間、相繼執權連

署、

參取將軍執權次第帝王編年記

時直、遠江守、元弘初、北條高時、署為長門探

題、之任未幾、厚東宗西高津道性等來攻、時

直與手下兵乘艦東走、正之本任以下、據天道間

高時伏誅、將往筑紫、會筑紫探題北條英時

亦為少貳、貞經所滅、時直窮蹙、降于貞經、島

津貞久因僧俊雅奏請貸死、俊雅稱峯僧正、

帝外戚也、笠置之陷、高時執流之長門、及乘

輿還京、俊雅權管九州事務、謂時直曰、禍福

倚伏、吉凶無常、昔吾處流日、被卿陵辱、不料

復有今日、我將報卿以貫一死、因遣使奏狀、

帝為俊雅特免時直、復其食邑、太平孫時俊

記太平

安藝守、亦為高時將拒王師、及高時誅、時俊

與男左京亮貞俊出降、尋見誅、太平記

北條朝時、泰時弟也、稱名越氏、北條有權略

膂力過人、嘗偷源實朝妻侍兒、奔于駿河、歲

餘實朝釋其罪、召還鎌倉、和田義盛之難、朝

時帥兵與朝夷名義秀接戰、東鑑尋拜式部丞、

關東評承久之役、與結城朝廣、佐佐木信實

率兵四萬、經北陸道抵越後、官軍宮崎定範

據蒲原之險、瀕海樹鹿角、伏弩以待、朝時乃

獲牛七八十頭、束炬於其角、乘夜放之、士卒
 從後謹噪、牛怒奔突、官軍大駭、以為敵至、伏
 弩皆發、牛多死傷、弩不能復繼、軍因得過、而
 西、朝時乃督眾直前、進攻志保、黑坂、柵皆拔
 之、轉鬪入京師、參取東鑑、承久記、與泰時會、歷周防
 越後、遠江、守敘從四位下、東鑑、關東評定傳、為評定
 眾、尋辭職、關東評定傳、薙髮法名生西、寬元三年
 卒、東鑑、關東評定傳、有七子、光時、時章、時長、時幸、時
 兼、教時、時基、光時為越後守、系圖、為將軍藤原

賴經所親幸、以故驕心漸萌、及北條時賴執
 權、光時不悅、以為時賴於吾祖義時為曾孫、
 族屬疏遠、不宜居勢任、因陰圖除之、保曆間記、而
 事發覺、時賴遣兵將誅之、光時方在幕府、度
 不免、剪髮遺時賴謝罪、遂流伊豆、東鑑、保曆間記、時
 章任尾張守、為引付眾、評定傳、薙髮法名見西、
 文永九年、北條時宗兄時輔叛、誅于京師、教
 時與之通謀、時宗遣兵士殺之、誤并殺時章、
 時宗哀死、非其罪、捕兵士五人誅之、保曆間記、時

幸為修理亮及光時獲罪自殺葉黃記

北條重時朝時弟也平氏系圖為修理權亮駿河

守寬喜中代北條時氏居六波羅北方遷相

模守累進從四位上東鑑寶治元年還鎌倉執

權連署遷陸奧守尋辭職削髮法名觀覺創

極樂寺退居焉弘長元年卒年六十四東鑑

北條系圖子長時時茂義政業時忠時北條系圖長時

左近衛將監居六波羅北方康元元年還鎌

倉為武藏守將軍編年記東鑑帝進從五位上

將軍執權次第及北條時賴辭職以時宗幼攝執權

之事將軍執權次第兼侍所別當東鑑文永元年卒

關東評定傳將軍執權次第子義宗駿河守居六波羅北

方平氏系圖文永中時宗命殺北條時輔帝王編年記

義宗子久時號赤橋為武藏守居六波羅北

方久時子守時平氏系圖時茂稱常葉氏北條系圖為

陸奧守康元元年代兄長時居六波羅北方

將軍執權次第終于任一代要記義政初名時量食信濃

鹽田因氏焉北條系圖文永中為引付衆又評定

衆為駿河守、執權連署、遷武藏守、病辭職、削

髮、改名政義、遁居信濃善光寺、業時歷越後

駿河武藏守、為評定衆、弘安中執權連署、轉

陸奥守、關東評定傳孫基時正和中攝執權之事、

平氏系圖同高時自殺、北條系圖子仲時自有傳、忠時

左近衛將監、關東評定傳

赤橋守時嘉曆中代北條高時執權、為相模

守、將軍執權次第保曆間記、○諸本太平記作盛時、今從本書、以妹妻足

利尊氏、元弘三年新田義貞攻鎌倉、守時將

兵六萬出拒于巨福呂坂、巨福呂坂據諸異本戰數十

合、士卒死亡略盡、謂餘衆曰、軍固有百敗而

一勝者、今我軍雖敗、北條氏之命、豈必窮於

此乎、然我尊氏姻戚、恐相州疑我、義當速死

以示無貳心、乃自殺、從死九十餘人、太平記

家本北條家本金勝院本南都本作北條政村稱四郎、東鑑重時弟也、寬喜中為式

部少丞、累歷右馬權頭、敘正五位下、為評定

衆、東鑑關東評定傳康元元年執權連署、為陸奥守、

攝越後國務、遷相模守、文永中代北條長時、攝執權之事、除左京權大夫、進正四位下、及北條時宗為執權、復連署、十年卒、年六十九、參取增鏡、將軍執權次第、為人沈默温雅、善關東評定傳、帝王編年記、為和歌、搢紳重之、稱為東方遺老、及卒、龜山帝遣使弔其喪、吉續記子時村、宗房、政長、時村、初名時遠、為左近衛將監、文永中為評定衆、遷陸奥守、建治三年入京師、居六波羅北方、為武藏守、數年還鎌倉、進從四位下、關東評定傳、將軍執

權次第正安三年執權連署、平氏系圖、將軍執權次第、帝王編年記北條宗方之叛、時村欲誅宗方、并除師時等而專其權、未發、為宗方所襲殺、平氏系圖、保曆間記一代要記、時村孫熙時、曾孫茂時、皆執權連署、高時之敗、茂時自殺、參取將軍執權次第、平氏系圖宗房稱四郎、為土佐守、政長、式部大輔、攝津守、竝為評定衆、平氏系圖、關東評定傳名越、高家、遠、江守朝時、五世孫遠、江守貞家子也、高家為尾張守、北條系圖元弘之役、北條高

大日本史

列傳

八

時命高家及足利尊氏等往京師、禦官軍、高家別將兵向山碕、與赤松則村戰於久我、高家年少、盛飾鎧仗、先眾而前、則村兵望之、知其為主將、爭赴之、高家手斬數人、徐下馬、拭刀血而憩、則村兵伺射之、中額而死、從兵死亡皆盡、太平記子高邦為左近衛將監、足利尊氏歸順、攻六波羅、高邦將兵拒於神祇官、戰敗而退、天正本太平記神不知其所終、淡河時治、北條時房之孫也、父時盛為掃部

權助越後守

東鑑將軍執權次第

判六波羅南方

將軍執權

次第

家在佐介谷、因稱佐介氏

東鑑

後改今氏

太平

記

時治為右京進

北條系圖

○太

及後醍醐

帝討北條高時、時治適為越前牛原地頭、集兵防遏北軍、聞六波羅敗、部下多逃散、平泉寺僧徒乘敝來攻、時治知勢不敵、與其妻訣、沈二子於水、潰腹而死、妻亦赴水死、太平記大佛貞直、陸奧守宗宣孫、民部少輔宗泰子也、為右馬助、陸奧守、北條系圖後醍醐帝之幸、

置北條仲時等遣兵攻之不克北條高時命
 貞直及足利尊氏等將兵往援之遂陷笠置
 轉攻赤坂城拔之而還參取保曆間記元弘
 日記裏書光明寺藏
 增鏡編及新田義貞攻鎌倉貞直又將大兵
 拒極樂寺坂為義貞將大館宗氏所敗退入
 營貞直家士本間某稱山城左衛門嘗以事
 黜而家居聞貞直與敵戰率手兵百餘人奮
 戰遂斬宗氏貫首于刃見貞直謝曰冀以微
 效獲宥前過從黃泉為幸大矣遂自殺貞直

大感奮明日復出戰義貞軍自稻村碕入貞
 直兵三十餘人知其不可抗相率自殺貞直
 奮曰勇士死則戰死耳奈何自殺乃帥二百
 餘人縱橫衝突遂冒脇屋義助陣而死太平
 記
 大佛高直陸奧守維貞子也為右馬助保曆
 間記
 元弘之役將大兵攻楠正成於千劔破城阿
 曾時治二階堂貞藤亦引兵來會正成拒守
 高直等每戰輒敗死傷無算乃欲饑而取之
 布營環圍因多會倡妓博奕酒茶賦詠以慰

軍士有部將叔姪二人握槊爭道相刺而死其下二百餘人亦相率刺死是以軍氣益衰既而出戰復大敗會近郡民兵應護良親王令出沒梗糧道軍士大困之多潛逃還及六波羅敗高直等乃解圍退走為官軍所夾擊奔保柰良般若寺適乘輿還京源定平楠正成來討太平記參取梅松論保曆間記高直等皆披僧衣率眾出降定平縛之送於京師伏誅太平記

大日本史卷之二百三終

大日本史卷之二百四

列傳第一百三十一

權中納言從三位源光圀圖修

男權中納言從三位綱條一校

玄孫權中納言從三位治保重校

將軍家臣十四

北條泰家

北條仲時北條時益

北條泰家稱四郎高時同母弟也太平記同母弟據保

曆間 初名時利為左近衛將監北條 高時罷

執權泰家次當襲職而內管領長崎高資擅

以金澤貞顯為之泰家母聞而憤恚命泰家

削髮更號惠性保曆間記惠性據太平記北條系圖 元弘三年

名越高家戰死京師足利尊氏應官軍高時

乃徵武藏上野等六國兵屬泰家將西上未

發新田義貞起兵來攻高時遣櫻田貞國長

崎高重等逆擊見敗退次分陪於是命泰家

率兵援之黎明使弓手三千人堵進雨射義

貞軍擾因縱兵乘之義貞大敗泰家意驕謂

彼軍中必有斬送義貞者也乃下營而息眾

咸卸甲解鞍邀妓縱飲會相摸人三浦義勝

集兵屬義貞明日義貞以義勝為先鋒卷旗

而進偵卒來報泰家乃曰有之三浦族人被

徵赴軍今乃來耳眾以為信然不復設備俄

而義貞義勝薄營鼓譟泰家錯愕棄營而奔

義貞追甚急比抵關戶幾及橫溝某安保道

堪等○本書西源院本 數百人返戰死泰家

及梅松論堪作潭

賴得免還、義貞遂入鎌倉、高時逃葛西谷、泰家、家臣諏訪盛高戰敗而還、勸泰家自殺、泰家屏人語曰、敗亂至此、皆由家兄素行而自速之耳、然數世惠澤在人、苟餘慶未盡、天其永絕其胤乎、萬壽前已託五大院宗繁、汝往取龜壽、善匿以圖後舉、盛高泣訣、萬壽龜壽高時子、邦時時行之小字也、泰家乃召左右二十餘人、誡曰、汝等度吾行遠、速火第為自盡狀、因卧篋輿、覆以汚血衣、南部太郎伊達

六郎為舁夫服舁之、二卒被甲乘馬、效新田氏軍號、裝為護送人而出、所留士乃縱火其屋、出呼曰、主既死矣、衆二十餘人割腹而斃、軍士三百人亦同死、泰家遂遁陸奥、後潛來京師、匿權大納言藤原公宗第、蓄髮更名時興、稱刑部少輔、日與公宗謀作亂、建武二年、公宗遂使時興將近畿兵、北條時行將關東兵、名越時兼將北國兵、謀同時犯京師、既而事覺、公宗伏誅、時興遁、太平記不知其所終、

北條仲時相模守基時子、為越後守、元德二

年與北條時益俱鎮六波羅、仲時居北方、時

益居南方、時益越後守、敦子、為左近衛將

監、平氏系圖、將軍執權次第、○按太平記元

德二年為元弘二年、而元德至元弘元年、

常葉範貞併鎮、元弘元年北條高時遣二階

堂貞藤及城、越後守率兵三千西上、二將據

令仲時時益廢帝害護良親王、書未啓函、事

洩、太平記帝潛出宮、使大納言藤原師賢詐稱

乘輿如延曆寺、增鏡、太平記仲時時益不之覺、明

旦將遣貞藤等遷車駕於六波羅、會延曆寺

僧豪譽來告、駐蹕于本寺、太平記○豪譽異

光明寺藏書殘篇云、六波羅吏、仲時時益乃

遣小田時知、時知姓據率兵大索禁中、帝果

不在、增鏡於是執大納言藤原宣房、中納言藤

原公明、權中納言藤原實世、前參議平成輔

等、光明寺藏書遷法皇新院及皇太子量仁

于六波羅、遣近江守護佐佐木時信及海東

仲家、仲家名據毛利將萬餘人攻延曆寺、仲

家敗死、時信等僅脫而還、既而聞車駕在笠
 置、楠正成櫻山茲俊竝舉義旗、復遣時信軍
 于大津以備延曆寺、使檢斷糟谷宗秋隅田
 通治通治名據金勝院本。○率兵十餘萬圍
 笠置、城堅未拔。太平記會大佛貞直足利尊氏
 率東國兵至、即遣攻笠置。光明寺藏書殘篇、參取元弘日記裏
 書、陶山義高小見山氏真氏真名據毛利家本、天正本太平記
 從五十餘人夜冒嶮巖、緣藤葛而上、會雨暗
 甚、密從邏卒後、周觀諸營、有誰何者、輒答云

巡夜、更戒守者而過、至行殿傍、縱火誼噪、外
 兵以為有內應、鼓譟相應、聲震山谷、官軍驚
 潰、帝與藤原師賢、藤原藤房、源具行等潛出
 圍、將幸赤坂、貞直等追獲帝及文武諸臣僧
 徒一百六十人。太平記、一百六十人據毛利家本。○按本書云、宗秋部下
 陶山義高小見山某間、元弘直等來援、乃先登
 火城、然據保曆間記、元弘直等來援、乃先登
 藏書殘篇、笠置寺緣起、詳載貞直等入京及
 攻城之日、故今從增鏡、保曆間記、不取本書
 說、仲時時益將兵擁車駕御六波羅南方、光明
 寺藏書殘篇、皇年代、特縱藤原藤房源忠顯
 略紀、增鏡、太平記、

給侍、拘親王公卿以下于諸將家、太平記使大

佛貞直足利尊氏等、攻楠正成於赤坂城、光明

寺藏書殘篇○太平記云貞直等途聞空置陷、直趨赤坂、正成焚城、佯死、

櫻山茲俊兵散自殺、仲時時益使湯淺定佛

守赤坂、明年受高時意、遷帝於隱岐、親王已

下、悉行遷殺、既而正成攻降定佛、進屯四天

王寺、時近國兵士大集于六波羅、仲時時益

恃其強盛、意易之、乃遣隅田通治及高橋宗

康、將五千餘人、宗康名據金勝院本○本書或作通俊、西源院本作

千、攻四天王寺、大敗而還、再遣宇都宮公綱

攻之、正成引軍而退、當是時、護良親王城吉

野、赤松則村起播磨、楠正成守千劔、破赤坂

二城、高時乃發國郡兵數萬、使阿曾時治、時治

名據北條系圖大佛高直、高直名據保曆間記二階

堂貞藤等、總督至京師、明年仲時時益分遣

諸將、時治向赤坂、貞藤向吉野、高直向千劔

破、時治攻城十餘日、守將平野將監以眾出


降、仲時時益盡斬以徇、諸城官軍聞之、守拒

益固貞藤尋陷吉野、與時治併兵、會高直俱
 攻千劔、破、攻擊百方、軍常不利、士卒死亡過
 半、吉野義徒更相聚起于後、斷其餉道、軍中
 氣大沮、仲時時益復遣宇都宮公綱助之、不
 克、時方徵發山陽諸國兵士、途為赤松則村
 所破、其首帥伊東惟羣等遂降、惟羣名據金勝院本則
 村還據備前三石山、扼山陽山陰二道、守護
 加治貞李攻之、貞李名據金勝院本亦敗、則村兵勢大
 振、進據攝津摩邪山、仲時時益計待四國兵

至攻則村、會伊豫人土居通治得能通言起
 兵、擊敗長門探題北條時直、於是四國路梗、
 乃遣佐佐木時信及小田時知將五千餘人
 攻則村、○本書為聞帝幸船上而遣二人、然
幸船上則二十八日也、故今書於此、大敗而還、仲時時益以四
 方擾攘、警急日聞、懼有乘間奪乘輿者、下書
 隱岐守護佐佐木清高、益嚴防備、既而帝潛
 航海幸船上、鎮西響應、仲時時益乃再遣
 兵一萬攻赤松則村、又敗、則村乘勝放火而

進、都下繹騷、士卒逃散殆盡、仲時時益撞鐘
 集兵、會者數百、亦皆吏胥不慣兵、僅能扶騎
 奔走而已、仲時見眾無鬪心、以為坐而待敵
 非計、乃遣隅田通治、高橋宗康、將二萬餘人
 〇天正本拒于桂川、大敗、則村進入京師、新
 主及後伏見花園二上皇、促駕入六波羅、居
 北方、仲時時益悉兵出、軍七條河原、則村整
 陣不進、縱火亂呼、仲時等見敵寡、遣通治宗
 康、將兵三千餘、陣于八條、陶山高通名
據天正

本〇番馬蓮華寺過河野通治二千餘人、赴
 去帳、高通作清房蓮華王院、高通以為所將兵烏合不可用、乃
 分眾屯八條、鼓譟為援、與通治率精騎數百、
 出蓮華王院東、則村欲與八條兵戰、高通等
 從後掩擊、則村步兵疲困、遂敗走、時通治宗
 康與左衛門佐藤原忠俊忠俊名據戰于朱
 雀街、幾卻、通治欲救之、高通止之曰、今設助
 彼而得勝、彼竟不謂藉我力、還將欺罔誇人
 耳、須其勝負已判、而救之未晚也、既而通治



等敗走、高通通治馳救、敗之、則村更收殘兵、督戰、高通通治又擊敗之、通治宗康士卒縱殺居民、收其首、務誇張功、級以邀賞、翌日悉梟之於六條河原、榜赤松圓心者有五、京師爲之語曰、貸用人首、果生息子、圓心分身、寇無窮已、圓心卽則村也、則村又集散卒、營于八幡山崎、扼水陸兩路、京師商賈不通、糧運日艱、仲時時益使兵五千餘攻山崎、不利而還、延曆寺僧徒復起、奉護良親王、令旨來攻、


兵號十餘萬、仲時時益以爲僧徒步戰、可以騎兵破之、便分七千騎爲七隊、擊前掩後、或退或進、以困僧兵、乘其疲攢矢射之、僧徒敗走、仲時時益更以邑十三所施延曆寺、而僧中貴者、人給便近一二所、以祈難平、實啗以利而離其謀也、由是屬款者稍多、然猶慮其或復叛、使佐佐木時信等將兵三千、軍于紩河原、備之、陶山高通、河野通治等拒赤松、則村于京南、大敗之、斬首八百餘、左近衛中將

源忠顯奉恒良親王來攻、仲時時益起樓櫓於京西、令兵士乘陴防之、會街中火起數處、煙焰蔽日、士卒驚顧、官軍乘之競進、時信等以兵五千拒戰、更大破之、裨將太田守延戰沒、忠顯引還、仲時時益恃戰勝稍懈、適驍將結城親光、俄拔歸官軍、自是將士逃亡相繼、仲時時益累使告急、高時、高時即遣名越高家、足利尊氏等來援、既而高家與赤松則村戰于久我、畷敗死、尊氏歸順、與則村及源忠

顯等併兵返攻六波羅、先是遣諸將攻千劔破、久之未拔、六波羅兵寡、救援路絕、仲時時益議謂、平地不便據守、乃鑿塹築壘、分兵六萬為三、拒尊氏於神祇官前、則村於東寺、忠顯於竹田、既戰輒敗、退保六波羅、官軍進薄壘、忠顯兵火門急攻、會僧兵拒藤原雅忠於五條、卻之、既而城兵夜開門爭逃、不可制止、在者僅千餘、糟谷宗秋謂仲時時益曰、城不可守、賴東面圍未合、宜奉車駕赴鎌倉、以圖

後舉仲時時益然之、即夜縱出皇后以下城
 中婦女挾新主上皇新院皇太子東走、時益
 先驅、途與士卒相失、獨糟谷時廣從之、時廣名據
 院金勝本民兵四面雨射、流矢中時益頸、墜馬而
 死、時廣亦自殺、皇太子以下四散、不知所之、
 有流矢中新主左肘、陶山高通吮其血、扶上
 馬行、已而天曙、又遇民兵數百於途、戰破之、
 從士行亡、留者六百餘人、宗秋前驅、仲時護
 新主、佐佐木時信為後拒、明日至番馬嶺、民

兵夾路持滿以待、宗秋擊破其先鋒、而後軍
 數千、迤邐據嶺、宗秋顧矢竭、兵疲、莫可為計、
 因入路傍佛舍、待仲時、至謂之曰、我力尚能
 一戰也、而土岐吉良之屬皆去、從足利氏、聞
 我東下、必出兵為梗、今以寡弱出此、畏途、恐
 難輒過也、請與時信謀、退歸近江、據守要害、
 以待鎌倉之援、仲時曰、我亦已慮之、但時事
 如此、雖時信亦不可保其無他也、然今日之
 事、當從諸君計耳、頓兵待時信、時信適後、途



車

聞仲時已敗死、送款於官軍、仲時度時信已
叛、勢不可免、乃謂從士曰、諸君不遺平昔之
好、周旋至此、而命窮力竭、無以相報、惟當持
我首降源氏、謝過免咎也、遂刳腹而死、太平記

二十八、蓮華寺帳宗秋以下從死四百三十

二人、太平記、蓮華寺過去帳、○東寺仲時子

友時、北條家譜不知所終、

慶應寺

DOOR

大日本史卷之二百四終

